

## 2006 nr. 62 13. júní

### Lög um eftirlit með aðgangi barna að kvíkmyndum og tölvuleikjum

Tóku gildi 1. júlí 2006. Breytt með l. 88/2008 (tóku gildi 1. jan. 2009 nema brbákv. VII sem tók gildi 21. júní 2008).

#### ■ 1. gr. Skilgreining hugtaka.

□ Í lögum þessum er merking hugtaka sem hér segir:

1. *Ábyrgðaraðili*: Aðili sem framleiðir kvíkmyndir eða tölvuleiki til sýningar eða sölu hér á landi, eða hefur kvíkmyndir eða tölvuleiki til sýningar, leigu, sölu eða annarrar dreifingar, í atvinnuskyni hér á landi.

2. *Kvíkmynd*: Hreyfimyndaefni sem gert er með hvers konar tækni, þ.m.t. leiknar kvíkmyndir og teiknimyndir, hvort sem ætlað er til sýningar í kvíkmyndahúsum, sjónvarpi, tölvum eða öðrum myndflutningstækjum.

3. *Tölvuleikur*: Tölvuforrit sem hefur að geyma gagnvirka leiki.

4. *Ofbeldiskvíkmynd eða -tölvuleikur*: Kvíkmynd eða tölvuleikur þar sem sérstaklega er sóst eftir að sýna hvers kyns misþýringar eða hrottalegar drápsaðferðir á mönnum og dýrum sem teljast geta haft skaðleg áhrif á sálarlíf barna.

5. *Kvíkmynd eða tölvuleikur sem ógnar velferð barna*: Kvíkmynd eða tölvuleikur þar sem inntak, efnistök eða síðferðisboðskapur getur vegna orðfærис eða athafna haft alvarleg skaðvænleg áhrif á lískamlegan, andlegan eða siðferðilegan þroska barna, einkum og sér í lagi efni sem felur í sér klám.

#### ■ 2. gr. Aldursmörk og matsskylda.

□ Bannað er að sýna börnum undir lögræðisaldri ofbeldiskvíkmyndir og -tölvuleiki, sem og kvíkmyndir eða tölvuleiki sem ógna velferð þeirra. Bönnuð er sýning, sala og önnur dreifing á slíku efni til barna sem hafa ekki náð lögræðisaldri.

□ Meta skal allar kvíkmyndir og tölvuleiki sem ætlaðir eru til sýningar, sölu eða annarrar dreifingar hér á landi fyrir börn undir lögræðisaldri með tilliti til þess hvort leyfa beri eða takmarka sýningu, notkun eða afhendingu á slíku efni við tiltekið aldurskeið innan lögræðisaldurs. Sama gildir um ítaréfni sem dreift er með kvíkmyndum og tölvuleikjum og kynningarefni fyrir kvíkmyndir og tölvuleiki.

□ Skylda skv. 2. mgr. hvílir á þeim aðilum sem framleiða kvíkmyndir eða tölvuleiki til sýningar eða sölu hér á landi, eða hafa kvíkmyndir eða tölvuleiki til sýningar, leigu, sölu eða annarrar dreifingar, í atvinnuskyni hér á landi. Sömu aðilar skulu gæta þess að aðgangur að sýningum og afhending á kvíkmyndum og tölvuleikjum sé í samræmi við ákvæði þessarar greinar.

#### ■ 3. gr. Framkvæmd mats og merkingar á kvíkmyndum og tölvuleikjum.

□ Ábyrgðaraðili skal setja sér verklagsreglur um framkvæmd mats skv. 2. mgr. 2. gr. og aldurstakmörkunar skv. 1. og 2. mgr. 2. gr. sem styðjast við alþjóðlega viðurkennd skoðunarkerfi fyrir kvíkmyndir og tölvuleiki. Í verklagsreglunum skal tekið mið af barnaverndarsjónarmiðum og einkum liði til eftirtalinna atriða og hvernig með þau er farið hverju sinni: söguefni, orðfæri, beiting ofbeldis, sýning nektar og kynlífss og neysla fíkniefna. Matið skal vera heildarmat á framangreindum atriðum og öðrum atriðum sem kunna að skipta máli. Ábyrgðaraðili skal birta verklagsreglurnar opinberlega, m.a. á vefsíðu sem almenningu hefur aðgang að og sölustöðum kvíkmynda og tölvuleikja. Þar skal og tilgreina

nafn matsstjóra ábyrgðaraðila og veita almenningu leiðbeiningar um móttöku erinda sem lúta að framkvæmd reglnanna og afgreiðslu slíkra erinda. Ábyrgðaraðili skal fera niðurstöður um mat á sýningarhæfni kvíkmynda og tölvuleikja í gagnagrunn sem almenningu hefur aðgang að.

□ Hafi mat skv. 2. mgr. 2. gr. farið fram á kvíkmynd eða tölvuleik er heimilt að láta það mat gilda um kvíkmynd eða tölvuleik sem gefinn er út á öðru formi, enda teljist ótvíráett um sömu útgáfu kvíkmyndar eða tölvuleiks að ræða.

□ Öll eintök kvíkmyndar eða tölvuleiks og hvers konar umbúðir skulu greinilega merktar upplýsingum um aldurstakmörk skv. 2. mgr. 2. gr., sem og um það ef kvíkmynd eða tölvuleikur er aðeins ætlaður til sýningar fyrir einstaklinga sem náð hafa lögræðisaldri.

□ Í öllum auglýsingum og annari kynningu á kvíkmynd eða tölvuleik skal getið um aldurstakmörk skv. 2. mgr. 2. gr., sem og ef mynd eða leikur er aðeins ætlaður til sýningar eða notkunar fyrir einstaklinga sem náð hafa lögræðisaldri. Þegar birting auglýsingar eða annarrar kynningar á kvíkmynd eða tölvuleik fer fram samhlíða opinberri sýningu kvíkmyndar eða er dreift með eintaki kvíkmyndar eða tölvuleiks ber að fylgja 1. mgr. 2. gr.

□ Allar kvíkmyndir má hafa til sýningar opinberlega fyrir börn sem náð hafa 14 ára aldri, enda horfi þau á myndina í fylgd foreldris eða forsjáraðila.

#### ■ 4. gr. Undantekningar frá mati og ákvörðun aldursmarka.

□ Ákvæði laga þessara taka ekki til fréttar- og fræðsluefnis. Um mat á sýningarhæfni annars dagskrárefnis í sjónvarpi en fellur undir 2. lótl. 1. gr. fer eftir ákvæðum útvarpslagu.

#### ■ 5. gr. Eftirlit, stöðvunarúrræði og endurmat.

□ Barnaverndarstofa hefur eftirlit með því að ákvæðum laga þessara sé framfylgt. Í því skyni er Barnaverndarstofu heimilt að láta fara fram úttekt á verklagsreglum skv. 1. mgr. 3. gr. og framkvæmd þeirra. Slík úttekt skal vera á kostnað þess ábyrgðaraðila sem í hlut á hverju sinni.

□ Nú fær Barnaverndarstofa vitnesku eða rökstudda ábendingu um að niðurstaða mats á sýningarhæfni kvíkmyndar eða tölvuleiks sé í andstöðu við 1. mgr. 2. gr. eða ósættanleg með hliðsjón af barnaverndarsjónarmiðum skv. 1. mgr. 3. gr. eða mat skv. 2. mgr. 2. gr. hafi ekki farið fram og er henni þá heimilt að mæla fyrir um stöðvun sýningar og dreifingar kvíkmyndarinnar eða tölvuleiksins tímabundið í þrjá sólarhringa með tilkynningu til ábyrgðaraðila. Barnaverndarstofu er heimilt að kveðja til löggreglu til að veita aðstoð við að framfylgja banni við sýningu og dreifingu kvíkmyndar eða tölvuleiks.

□ Á meðan sýningar- og dreifingarbann varir skal fara fram sameiginlegt endurmat ábyrgðaraðila og Barnaverndarstofu á sýningarhæfni kvíkmyndar eða tölvuleiks. Ef ágreiningur er um niðurstöðu endurmats ræður afstaða fulltrúa Barnaverndarstofu. Sú ákvörðun telst endanleg og verður ekki kærð til æðra stjórvalds.

□ Leiði endurmat til þess að sýningarhæfni kvíkmyndar eða tölvuleiks skuli takmarkast við eldri áhorfendur en upphaflegt mat kvað á um gildir sýningar- og dreifingarbann skv. 2. mgr. Barnaverndarstofu er heimilt að veita ábyrgðaraðila allt að vikufræst til að innkalla og endurmerkja öll eintök kvíkmyndar eða tölvuleiks og hvers konar umbúðir og kynningarefni til samræmis við niðurstöðu endurmatsins.

□ Brot gegn 2. gr. laga þessara varða sektum eða fangelsi allt

að sex mánuðum nema þyngri refsing liggi við samkvæmt öðrum lögum.

□ ...<sup>1)</sup> Þegar löggreglu hefur borist kæra fyrir brot gegn 1. eða 2. mgr. 2. gr. laga þessara skal löggregla þegar í stað til-kynna Barnaverndarstofu um málavexti. Barnaverndarstofa leggur sjálfstætt mat á hvort beita beri stöðvunarheimild 2. mgr.

□ Heimilt er að gera upptæka kvíkmynd eða tölvuleik ef sýning, sala eða dreifing hans fer í bága við ákvæði laga þessara. Hið upptæka skal vera eign ríkissjóðs.

<sup>1)</sup> L. 88/2008, 233. gr.

■ **6. gr. Reglugerð.**

□ Menntamálaráðherra getur í reglugerð sett nánari ákvæði um framkvæmd laga þessara, þar á meðal um opinbera birtingu verklagsreglna ábyrgðaraðila skv. 1. mgr. 3. gr. og mats á sýningaráefni kvíkmynda og tölvuleikja skv. 2. mgr. 2. gr.

■ **7. gr. Gildistaka og brotffeld lög.**

□ Lög þessi öðlast gildi 1. júlí 2006. ...

■ **Ákvæði til bráðabirgða.** Skipun nefndarmanna Kvík-myndaskoðunar og ráðning forstöðumanns samkvæmt lögum um skoðun kvíkmynda og bann við ofbeldiskvíkmyndum, nr. 47/1995, fellur niður við gildistöku laga þessara.